



**Prevenziun dal cancer
da la beglia Grischun**

Prevegnir u scuvrir ad ura – As participai a la prevenziun dal cancer da la beglia

En Svizra è il cancer da la beglia ina da las pli frequentas spezias da cancer. El è la malsogna da cancer la segund frequenta tar las dunnas e la terz frequenta tar ils umens. Il ristg da vegnir malsau crescha a partir dal 50avel onn da vita.

Senza sintoms na vul betg dir senza ristg

Il cancer da la beglia sa sviluppa per regla plaun or da prestadis dal cancer, uschenumnads polips che na chaschunan normalmain nagins sintoms. Perquai na vegn il cancer da la beglia savens ditg betg scuvert. Pir cura ch'ils polips creschan, po sa sviluppar or da quels in cancer malign. Pli baud ch'ins allontanescha ils polips u scuvra il cancer da la beglia e pli gronda ch'è la schanza d'impedir cun success il cancer da la beglia u da guarir el. I vala perquai la paina da sa participar a la prevenziun, pertge ch'ella po salvar Vossa vita.

Prevegnir a moda fidabla

Per la prevenziun dal cancer da la beglia datti duas metodas renconuschidas e

fidablas: il test da sang en il passacorp (FIT) ch'ins po far a moda simpla a chasa e repeter mintga dus onns. Ubain l'examinaziun dal begl gross (colonscopia) che vegn fatga d'ina gastroenterologa u d'in gastroenterolog. Ella è da repeter mintga diesch onns.

Prevenziun dal cancer da la beglia Grischun

As participai. La Prevenziun dal cancer da la beglia Grischun sut la direcziun da la Lia grischuna cunter il cancer As porscha in program da prevenziun activa. Ils custs surpiglia l'assicuranza da basa ed els n'èn betg suttamesa a la franchisa per persunas tranter 50 e 69 onns entaifer il program da prevenziun. Vus pajais sulettamain la quota persunala da diesch pertschient.

As annunziat directamain tar Vossa media da chasa/Voss medi da chasa, autras medias spezialisadas/auters medis spezialisads, la Lia grischuna cunter il cancer, gastroenterologas/gastroenterologs, apotecas u sin www.vorsorge-gr.ch.

**Dapli sin
vorsorge-gr.ch**



**In program da la Lia grischuna cunter il cancer
per incumbensa dal Chantun**